



# COMUNU DE SÉTTIMU SANTU PEDRU

Provincia de Casteddu

Pratza Sandro Pertini, 1

Tel. 07076911 fax 0707645687

Genti stimada su Sìndigu s'informat ca at abertu su sportellu de sa lìngua sarda.

Custu sportellu est nàsciu gràtzias a una lei natzionali, sa L.482/99 chi tutelat is linguas de minoria, innui c'est fintzas su sardu, eus a nai ca su stadu at donau calincunu fundu a sas regionis inui c'est una lìngua de minoria de manera chi custa non mroxat ma chi bengat imperada in dònna logu chentza de bregùngia. Depeus sciri totu cantus ca su sardu est una lìngua bera e no unu dialetu cumentu medas creint, custu bolit nai ca su sardu tenit sa pròpiu dignidadi de s'italianu, s'ingresu e su frantzesu.

In custus ufitzius de lìngua sarda ci trabballant giòvunus chi tenint scèntzia apitzu de is problemas de su sardu e chi istimant diaderus sa lìngua sarda, su sardu est lìngua e tenit dignidadi cantu is atras linguas. Chini traballat in custus ufitzius depit portai in mesu de sa genti sa cuscèntzia de su sardu cumentu limba, e fai cumprendi a totu cantus chi su sardu devet èssere imperau in donnia logu chi siat e donnia di, duncas eis a biri avisus po sa popolatzioni in sardu tradùsius de chini traballat in custus ufitzius.

Chi pensais ca chistionai a is pipius in sardu ddus cunfundat sballiais e meda puru c'ant fatu stùdius e atrus ndi funt fendi in s'universidadi de Edimburgo, innui ant dimostrau ca is pipius pesaus cun duas linguas de piticheddeddus crescint prus scidus e cun capasidadis prus mannas de is pipius pesaus cun una lìngua sceti, in prus is pipius pesaus cun duas linguas imparant prus de pressi e cun prus fasilidadi sa de tres e de cuatru lìngua. In pagus fueddus si boleus fai sciri chi pesandindi is pipius in lìngua sarda non dus cunfundeis po nudda ma di fadeis sceti beni: crescint cun prus capasidadis. Non funt sceti is stùdius de s'universidadi de Edimburgo a ddu nai, ma est una chistioni chi puru Gramsci si fiat postu, e ddu bogat a pillu in una lìtera chi scrita a sa sorri Teresina su 26 martzu 1927: scriiat

Sull'utilità formativa del libero uso della lingua sarda durante l'infanzia, scrive alla sorella Teresina (il 26 marzo 1927):

Franco [il figlio di Teresina] in che lingua parla? Spero che lo lascerete parlare in sardo e non gli darete dei dispiaceri a questo proposito. [...] Intanto il sardo non è un dialetto, ma una lingua a sé, (...) ed è bene che i bambini imparino più lingue, se è possibile. Poi, l'italiano, che voi gli insegnerete, sarà una lingua povera, monca, fatta solo di quelle poche frasi e parole delle vostre conversazioni con lui, puramente infantile; egli non avrà contatto con l'ambiente generale e finirà con l'apprendere due gerghi e nessuna lingua [...]. Ti raccomando, proprio di cuore, di non commettere un tale errore e di lasciare che i tuoi bambini succhino tutto il sardismo che vogliono e si sviluppino spontaneamente nell'ambiente naturale in cui sono nati: ciò non sarà un impaccio per il loro avvenire, tutt'altro (Gramsci, *Lettere dal carcere*: 64-65).

Duncas imperai totu cantus su sardu e agiudaisi in su traballu nostru: cussu de portai a in antis, difendi e imperai sa lìngua sarda, e intzà?

Bonu traballu a totu cantus.

Chi calancunu bolit contribuiri o bolit crarimentus a suba de su stadu de sa lìngua sarda, s'ufitziu est obertu a totus su mèrcuris de is 10:00 a is 12:00

Saludi e trigu,  
su Sìndigu cun sa collaboratzioni de su sportellu de lìngua sarda.